


META CORPORATION**A DEBOLBE GARANTIA
NA GOBIERNO**

ORANJESTAD (AAN) E proyecto hotelero relativamente grandi cu META CORPORATION a entama na 1986 tabata tin aspectonan financiero cu mester a wordo considera hopi amplio y profundo. E no tabata un proyecto comun y ademas, Aruba a caba di drenta un constelacion estatal nobo y tabata pasando den un crisis economico. Esakinan a causa cu e inversionistanan potencial no tabata masha dispuesto pa hinca capital den proyectonan na Aruba.

META CORPORATION a keda demostra su fe den futuro di Aruba y a sigui haci tur esfuerzo pa convence institucionnan financiero, bancario y gubernamental cu



ta posibel y necesario haci inversion den e situacion economico pesimo aki. Na principio META a ser scucha cu respet pero cu hopi duda. Finalmente a logra aceptacion y hasta por bisa cu awendia SONESTA HOTEL ta wordo mira como algo natural.

E proyecto a cuminsa cu un presupuesto di 20 miyon dolar. Financiamiento a bin inicialmente di credito di exportacion di FINEXPO (Venezuela), cu ta e fondo di financiamiento di Banco Central Venezolano. Nan a otorga 8.5 miyon dolar. Gobierno di Aruba a duna garantia di 18 miyon dolar y e ora ey e proyecto tabata financieramente na caminda pa ser realiza. Cu e garantia di Gobierno, seguidamente ABN-Bank y INTERBANK a financia 10 miyon dolar. Mientras tanto, e presupuesto a crece y a yega te 30 miyon.

Na cuminzamento di aña META a logra un refinanciamiento importante pa henter e proyecto for di Nationale Investeringsbank N.A. (N.I.B.). Esaki a duna META e oportunidad pa debilbe Gobierno di Aruba y comunidad en general e garantia di 18 miyon di dolar cu nan a extende na e proyecto na cuminzamento.

E decision di debilbe e garantia no ta uno comercial, sino cu e tin aspectonan social tambe. E ta un demostracion di e confianza cu META tin den su isla. TA for di nan compromiso cu ARUBA y cu COMUNIDAD ARUBIANO Board of Directors di META CORPORATION a tuma e decision di debilbe na Gobierno di Aruba e garantia cu el a haya.

Asina Aruba por presencia e prome garantia duna pa Gobierno anterior cu a ser debilbi integramente na Gobierno y Pueblo di Aruba.